

陵寢志

遵化通志卷五

宸翰

聖祖仁皇帝

御製詩碑

行書

溫泉行

溫泉泉水沸且清仙源遙自丹砂生沐日浴月泛

靈液微波細浪流琤琤初經石竇漾暄溜烈勢直與炎曦爭

潏洄碧澗落花駐掩映翠巘霜林明汀暖溪轉入欄檻登以

文石何澄泓方壺圓嶠時自暖紫芝朱草冬長榮殿啟披香

溢石髓盤低承露浮金莖冲融太和蓄元氣炎德利物功難

名氤氲沆瀣結紫霧縹緲雲霞連赤城高秋九月天颯爽鸞

旂鳳節紛相迎

慈甯瑤輦度閭闔絳霄帳殿開蓬瀛神泉淑景共遊賞流金漱

玉堪怡情時巡豈必瑤圃遠對此心意皆和平華清繡嶺杳
寂寞鯨魚鳬雁徒縱橫曷若茲泉獨標異萬年勝蹟環神京
歲時來往護仙蹕點筆爲賦溫泉行 康熙十七年九月暮
秋書

謹案右碑在州西福泉寺內爲

聖祖展謁

孝陵禮成

駕幸湯泉時

御筆勒石

奎藻貞珉洵足億禩欽仰云

聖祖仁皇帝

御製詩

溫泉流杯戲作

曉霜早落滿池清一氣涓涓愜勝情偶坐浮杯幾暇日君臣對景論平生

雨後經明總兵戚繼光所作八角石亭

華清雨後問安回徐步山椒到水隈秋水荒池今白草寒花故壘舊青苔精靈銷散人何處功業流傳志未灰爲將當年堪拊髀亭開八角尙崔嵬

由鯨魚石出關觀瀑布水

巉巖瀑布挂前川樹冷煙寒冪碧天關外黎民風俗厚涵濡威德已多年

巡幸出喜峰口過黃土巖

紫塞雙崖出丹梯百尺懸草香遮細路樹老卧晴煙地爲時

巡到山當隘口偏何年留石室駐馬望層巔
入喜峰口

一道鳴鑾度三驅振旅還莓苔天半石松枯雨中山險設關
門壯時清堠火閒

孝陵佳氣近縹緲翠微間

康熙五十三年冬展謁

孝陵駐蹕馬蘭峪七律

拜奉

山陵淚雨垂提攜鞠育賴

仁慈松林轉盛青如許鬚髮勞傷白所宜屈指多年

永慕近深慚暮景晚來遲

朱邱玉殿依然覲悲想音遙寸晷移

景忠遠上日方闌巖壑層層生早寒嶺腹凍雲凝玉仗山中
瑞氣接仙鑾鳴鐘澗裏經聲近擊鼓樓前樹影殘繚繞旌旗
縈石道六龍行處萬民觀

灤河

塞邊遠繞至灤河徹底清明不見波駐蹕徘徊千萬里石鯨
兩岸影嵯峨

梨樹峪道中步輦口占二首

入峪橋分三岔路傍崖步輦景何深山中獨見深林影時有
清流助鼓琴

其二

一溪轉展見山花步步石苔楊柳斜試看目前將熟果青榛

郁李並堪誇

御題玉田行宮蘊輝堂殿壁七律二首

境本玉田額蘊輝
寺旁書室小山依
庭軒位置皆清潔
尙儉卑官意弗違

種玉無終說渺茫
民安耕鑿守王章
大田多稼眞祥瑞
蹕路歡農望歲康

御題玉田行宮函和堂東壁五律

政暇探經史尋源受益多
函三理庶事得一養中和念典存
悠久守成戒細苛
授時秋省歛溥澤免催科

御題玉田行宮

御書房七絕

髫齡入學習經書
耳順年臻花甲初
溫故知新仍討論
禮耕

義釋勉心畚

玉田行宮卽事五律

東國駐經旬玉田逢壽辰禮儀備文武賞賚及官民行殿欣
苞茂花宮淨垢塵

橋山列西北九叩敬誠申

陵寢志

遵化通志卷六

宸翰

高宗純皇帝

御製詩

乾隆四年九月奉

皇太后謁

孝陵

景陵長律

扈蹕馳千騎鳴鸞駕六飛紹先懷

祖德色養奉

慈闈爽氣催征轡霜花散曉暉有秋歡里巷鼓腹遍郊圻松栢

森元路雲霞護玉衣邕圭承凜凜

遵化通志

卷六

陵寢

宸翰

冠劍仰依依言念開千古憂勤萃萬幾維清欽陟降瞻拜重獻

欵
乾隆十年二月恭謁

景陵七律

瞬息光陰逝水翻種松龍老鬱

陵園謳歌四海猶思

祖繩繼千秋已逮孫不覺驚心瞻

隧象幾番翹首望櫺門宵衣益勉乾乾志恐負當年

覆載恩

乾隆十二年二月恭謁

孝陵五律

虎豹衛天闕

鼎湖縹緲間汗常趨鐵馬

化尙被烏蠻一脈

宗功繼千秋王業艱潛焉懷締造豈必逮承

顏

恭謁

景陵五律

舒悲欽奠桂觸目儼

含飴永別千秋慕

深恩四海知雲霞淡春色松柏長孫枝廿五年飄忽攀髯憶曩

時

乾隆十四年以金川歸命遣官告祭復親謁

孝陵

景陵

泰陵於三月十三日發京師駐蹕煙郊途中卽目五律

遠服歸王化

宗功實式憑當春嚴法駕擇日上

先陵陌草青無盡隄楊翠欲凝迎眸膏壤潤乾惕倍因增

乾隆十五年秋奉

皇太后時巡以繼冊中宮先謁

二陵遂幸嵩洛發輒京師卽景長律

氣爽秋宜狩天高吉撰辰自來傳警蹕都覺有精神揭露滋

蘭埒龍旗出鳳闈

太安輿敬奉中壺制重陳

冠劍瞻依近蘋蘩謁拜新觸懷愉以戚問俗富還貧念結嵩陽

麓吟期洛水濱傳聞今歲好便往閱高園

恭謁

孝陵五律

佳哉氣鬱葱啟萬帝圖鴻厯數方歸

聖指揮始自東金甌貽後澤石馬紀前功追遠心恆凜還因樹

厚風

恭謁

景陵五律

音容心永識

德澤夢難忘詎敢空吟杜奚當早識昌念茲欽繼序倬彼仰

羹牆孺慕

明樓下盈盈淚滿觴

乾隆十七年二月恭謁

孝陵

景陵七律

靈區鬱護瑞雲霞
展謁經年黯自嗟
百世聰聽

彝訓在

二陵顚仰

聖踪遐繼繩有繫
心彌愧悅養無方
敬倍加白髮朝臣
曾逮事
追維誰不淚如麻

十月恭謁

祖陵竝視

孝賢皇后安奉地宮
啟蹕過通州卽事
言懷五律

考章臨

后葬

康熙年間
后安奉地官我

孝誠

孝昭

皇祖皆親臨視謹遵成例兼寫

哀啟蹕謁

先陵孫楚哀經罷葛生歸自應吉宮附

昌瑞

康熙二年
陵山尊封為昌瑞山

孝介社永雲仍潞水維舟昔

戊辰二

東巡迴

德州登舟值
皇后之

喪抵通州昇奉還京

追思情可勝

恭謁

祖陵五律

致奠先欽謁追思水木殷敢忘

仁祖顧期紹孝孫聞神宇千靈護龍支萬派分今年瞻雨度戚

後慕逾勤

十月二十七日永安

孝賢皇后於萬年吉地以

慧賢

哲憫二皇貴妃附

御製七律

鳳妻龍輜何事爾貫魚故劍適相從可知此別非常別謾道
無逢會有逢蘆殿驚心陳白日鼓塗舉目慘寒冬百年等是
行雲寄廿載憑參流水踪

乾隆二十年二月恭謁

景陵七律

有序

皇祖陟遐於今三十餘載每謁

景陵追遡

音容不勝感痛今歲適有西師之役蓋準夷自

皇祖時恃其險遠鴟張絕漠比遭篡奪部衆分奔內屬者強至